

# Tunku hampa, Lam Thye bersenda apabila Datuk Musa rujuk semula

UNLU Abdul Rahman hampa Datuk Musa Hitam masuk Umno semula. Dia kata sesaja yang masuk Umno gilakuso. Sebelum pengundian Ampang Jaya, Tunku kata dia mampuh kalau Barisan Nasional menang. "Jadi Tunku yang Presiden Umno itu pun gilakuso juga? Janganlah bila rasa sedap jadi boss, nak mamuk Datuk Musa rujuk semula dengan Umno. Bagilalah kan kepala pula. Ini yang Kunta Kinte ang faham fasal Tunku. Dulu dia jadi boss Umno, dia ang Datuk Musa. Sekarang dia tak jadi boss, bila dia berang dengan Dr Mahathir, dia k Datuk Musa ikut perang ang dia. Tak paku kalau Tunku sekat Datuk Musa. Bukan ini negara demokrasi? Tunku hebat takop fasal demokrasibulu masa Datuk Musa kena ang. dia boleh masuk semula.

Sekarang ni dia keluar sendiri, tentulah lebih senang dia masuk baik. Macam tu pun Tunku tak faham?

Yang Haji Ibrahim Ali, Ahli Parlimen bebas Pasir Mas, orang kuat Tengku Razaleigh, satu hal pula. Boss dia tak mahu masuk Umno tak apalah. Kita hormat pendirian dia yang tegas. Itulah cara orang berjuang. Tapi yang sakit hati Datuk Musa rujuk semula dengan Umno ni apa fasal? Dia perli pula Datuk Musa. Dia harap rujuk Datuk Musa kali ini ikhlas dan tidak kena mengena dengan pembedahan pintasan keranari Dr Mahathir. Dia bimbang Datuk Musa akan melakukan pintasan politik yang berakhir dengan jawatan Perdana Menteri. Kepada Haji Ibrahim, Kunta Kinte hanya boleh berkata bahawa Allah yang mencipta alam semesta dan segala-gala di dalamnya sahaja yang tahu isi hati manusia.

Bukan Tunku dan Haji Ibrahim saja yang hampa Datuk Musa rujuk semula dengan Umno. Ahli Parlimen DAP, Encik Lee Lam Thye, pun ikut sama. Dia kata keputusan rujuk Datuk Musa itu tidak memeranjatkan "berdasarkan tindakan-tindakan dan pendiriannya sejak akhir-akhir ini." Lantaran itu, dia mengucapkan selamat kepada Datuk Musa dan berharap pada masa akan datang Datuk Musa tidak akan membuat satu lagi keputusan yang beranggah dengan yang dilakukannya sekarang. Katanya terpujanglah kepada orang ramai menghakimkan Datuk Musa atas segala tindak-tanduknya.

Pandang kiri, pandang kanan, tengok depan, teleh belakang, Kunta Kinte kesian kepada Ahli Parlimen bebas Johor Bahru, Datuk Shahrir Abdul Samad. Dia tahu sebuah akhbar berbahasa Melayu (bukan akhbar kita)

## BIAR PUTH TULANG...

yang Datuk Musa tidak akan masuk Umno semula. Dia kata dia sentiasa berhubung rapat dengan Datuk Musa. Encik Mazlan Harun pun macam tu juga. Dia meli-malikan nafi kepada surtikhaber yang Datuk Musa akan rujuk semula kepada Umno. Itu sebelum penduduk Ampang Jaya keluar mengundi dan pilih Barisan Nasional. Sekarang kita tengoklah apa Datuk Shahrir nak buat. Bukan apa, Datuk Musa dengan Datuk Shahrir memang rapat. Kalau Datuk Musa tok guru, Datuk Shahrir lah pendekar harapannya. Datuk Rais kita tak boleh buat apa-apa lagi. Dia dah bakar jambatan.

Fikir fasal politik, fasal keluar masuk, keluar masuk ni, kepala

Kunta Kinte naik pening. Maklum sajarah cuba kita main keluar masuk, keluar masuk, kita main pusing-pusing tentu kepala kita pening. Kita rasa dunia berputar-putar di bawah kaki kita. Ini kita selalu buat masa kita kanak-kanak dulu. Kita tutup mata dengan kain atau saputangan, lepas itu kita pusing dengan laju. Bila kita berhenti, kita rasa dunia berputar-putar. Kita pun jatuh.

Member-member kita pun berpepuk sorak. Kita naik syok. Itulah dunia kanak-kanak. Buat apa pun semua kena, semua manis, semua okay. Orang tak marah. Orang dewasa pun rasa terhibur. Tapi bila dah dewasa, dah tua kalau kita buat juga macam itu,

orang yang tengok pun naik jelek.

Siapa tidak mahu perpaduan. Siapa tidak mahu kekuatan. Sejak Datuk Musa letak jawatan Timbalan Perdana Menteri atas alasan Dr Mahathir tidak dengar nasihat pada 1986, banyak perkara yang memecahbelahkan Umno telah berlaku. Ini hakikat yang kita semua kena terima. Kalau kita lari, kita akan terperangkap lagi pada masa akan datang. Biar sepahit jadam, sepedih hati yang terguris, sepedas cili api, kenyataan ini kena kita telan. Dua kali Tengku Razaleigh cabar Datuk Musa untuk jawatan Timbalan Presiden Umno, dua kali pula Datuk Musa diestru oleh pucuk pimpinan parti. Umno pengganti didaftarkan pada 15 Februari 1988 dan pada 2 Jun, Datuk Musa umum tidak menyertainya. Datuk Musa sokong calon

bebas yang menentang Barisan Nasional di dalam tiga pilihanraya kecil — Johor Bahru, Parit Raja dan Ampang Jaya. Datuk Musa juga membuat kenyataan-kenyataan mengemang Dr Mahathir. Kita tentu masih ingat kenyataan negatif yang dibuatnya di Kelab Wartawan Asing Hong Kong pertengahan Oktober lalu.

Teringat Kunta Kinte kepada cerita zaman kanak-kanak dulu. Bila kita merajuk sebab minta duit beli aiskrim emak tak bagi, kita lari membawa diri. Kita bawa baju, kain dan lastik. Kita pergi rumah nenek atau pak ayah panggil kita pulang. Bila dua tiga hari mereka tak panggil kita pulang, kita naik gelabah, lagi gelisah bila dengar adik-adik di rumah bukan main kuat bantuk emak dan ayah. Hendak tak hen-

dek, kita pun bungkus semula kain, bajuk dan balik ke rumah. Kita sangka emak dan ayah melompat kegirangan dan peluk-cium kita. Malangnya mereka buat-buat tak nampak. Suka tak suka kenalah pergi ke dapur cari makan sendiri apa yang ada. Sebab itulah datuk nenek kita dulu selalu nasihat jangan lekas merajuk. Kata mereka orang merajuk kepada yang sayang. Yang benci lagi kita merajuk lagi dia suka Wassalam.

Bahan asal dari Arkib  
Negara Malaysia